

「國家社會科學基金重大項目」

何建明

主編

中國地方志
佛道教文獻匯纂

人物卷

(81)



國家圖書館出版社

【國家社會科學基金重大項目（11&ZD119）】

中國人民大學佛教與宗教學理論研究所

何建明

主編

中國地方志
佛道教文獻匯纂

人物卷
(81)



國家圖書館出版社

中國地方志佛道教文獻匯纂·人物卷

山東省 聊城市

東昌府志

清·嵩山修
謝香開等纂

清嘉慶十三年（一八〇八）刻本

仙釋

仙之爲道主於清淨無爲漸至長生自然神化釋則以爲人雖有生死之異至于精神則恒不滅其大旨與存心養性之說亦不甚相遠至末流乃逕庭耳東郡無名山大剎而異人亦往往有之或曰在塵市而人不知初不在入山之深入林之密也

晉賀樂在平人爲水部郎與葛稚川善時至其家授導引術後辭官歸改名元一夕仙遊至驪山白鹿觀井中遇金蝦蟇口吐五色光三足立樂曰此肉芝也服之不死遂餌焉後人見在東蒙山煉丹至宋真宗東封時拜於道左曰晉水部員外郎賀元見忽失所在蘓軾嘗爲詩贊之人稱爲賀樂先生後因名其鄉爲賀樂鎮今日

店

縣志

唐潘師旦貝州人少喪母廬墓事王知遠爲道士得其術居逍遙谷高宗幸東都召見問所須對曰茂松泉石

臣所須也詔卽其廬作崇唐觀年九十八卒贈大中大

夫謚體元先生司馬承禎嘗傳其辟穀導引術

舊志

宋何志嶠恩州人童時淳樸遇南昌劉仙披衲繼禮盤
山棲雲真人印可得傳委知觀事尋辭退遊至太微觀
內省三清像設威儀修黃錄大醮命張真人爲法師薦
無祀之鬼亡何仙去人不知所爲惟魏道明得其遺書
云吉人爲善惟日不足凶人爲不善亦惟日不足善吾
生者善吾死也

在平志

東郭里店北寺有聖僧遺其名寺向無賜額嘉祐八年

正月二十一日夜仁宗夢一僧類古阿羅漢狀謁帝曰
我博州郭里店寺中僧也寺未有賜額特來請夢覺異
之翌日賜額曰覺慈

全上

金莊平慈濟寺僧道寬濠州義豐人大定二十四年遊
歷至此嘗業五大經皆神會以試中選後舉爲本境監
寺衆靡然傾之聞上世嘗有大碑没入土累求不得寬
禱於神其地作鏗鏘聲碑自見歲大旱寬禱大雨立應
人始異之

在平志

王志冲堂邑田家子少穎悟喜讀莊老書其父一日偕

耕憩卧樹下恍惚見數青衣曰天仙卽至當待之已而
志冲來饒父大驚異及長與議婚固不肯遂棄家爲道
士戒行清高賜號體道虛寂真人

堂邑志

明任南峰不知何許人任姓自號南峰和尚嘉靖中僑
居東昌崑長二尺許風神爽儁洞解禪理郡中名士數
十輩從之遊問異日名位語卒驗進士謝國賓師事之
謝甫登第趣之歸未幾謝病和尚曰某月某日吾復來
至期謝已將屬纊張目望和尚和尚踉蹌杖錫門外入
與握手一夕謝卒不知所往嘗住城東隆興寺聽月峰

長老講崑崙圖詩云手把崑崙上月峰青天白室香雲
重山光日光照清宇主人歷歷吐元宗案前三界分上
下眼底十方并玲瓏鳥去樹空花無語太虛一段寥寥

客

舊志

廣悅號無庵堂邑慈雲寺僧持律精苦工小學其師歿

用朱子家禮斬衰以葬

堂邑志

無念堂邑人馬橋寺僧手書法華經三時持誦不閒不
出戶外一步人頗異之有叩請者率不應一日其師赴
武當山囑云幸早還弟子某日當去遲恐不及見師以

爲誑也至日徧謝諸僧召其徒沐浴更衣設香案趺坐而寂其師還道河南見之鄭重語別卽示寂之日也時年三十有二

全上

曉如和尚博平朱家坊人出身隆福寺貌不屬性兼撓拙偶犯戒律師棒楚之曉如曰我固不能作佛何楚我奪其棒擲之時值打麥兩手捧碌碡於老槐之極竟去十餘年歸住郡城東隆興寺或半月不食或一食兼數十人人竒之與角力人盡靡蓋自少林寺來也有蔣姓者習飛脚術自江南來無與敵蔑視曉如曉如與對手

某脚飛起旋仆地哀號稱弟子蓋蔣某脚飛騰曉如
兩脚橫飛已踢其顙矣一日自他歸見衆持械逐一人
其人握鐵鐵入廟乃大盜獲而逸出者衆叩曉如爲力
曉如不可遂不復強但羣窺之曉如亦窺出其不意推
之入盜舉鐵劈之聞大聲呼曰我休矣衆且疑曉如被
剝擁入見盜股已折矣曉如狀短小如庸人不自持械
其授弟子槍棒等無不精奧嘗與弟子飲酒一人出見
牆頭有數人以告曉如曰但飲不妨比明見數賊有騎
牆者有方登者有登而欲下者皆如木偶曉如此之去

始寤羅拜曰小人輩不識真羅漢合死乃奔弟子數月
戴永昌爲最後無疾坐化復有人自他處見之

中國地方志佛道教文獻匯纂·人物卷

山東省 聊城市

聊城縣志

陳慶蕃修 葉錫麟 靳維熙纂

清宣統二年（一九一〇）刻本

聊城縣志雜綴卷十二

晉劉度平原聊城人也鄉里千餘家並奉大法造立形像供養僧尼值虜主大末時此縣嘗有遁逃末大怒欲盡滅一城眾皆懼分必殄盡度乃潔誠率眾歸命觀世音頃之末見物從空下繞其屋柱驚視乃觀世音經末大歡喜因省刑戮一城免害

晉王瓚
冥祥記

志德劉姓聊城人年十二出家受戒具二十盡得祕乘元世祖召見辨難不絀賜紫方袍使主天禧旌忠二刹三十年一履一被敝弗易也一夕夢梵僧高座上散花如雨遂覺悟因示微疾跏趺座而化年八十八歲閭維時

舍利無算詔建塔藏之學士趙孟頫爲銘

明任南峯不知何許人自號南峯和尚嘉靖中僑居東
昌髯長二尺許風神爽儁洞解禪理郡中名士數十輩
從之游問異日名位語輒驗進士謝國賓師事之謝甫
登第趣之歸未幾謝病和尚曰某月某日吾復來至期
謝已將屬纊張目望和尚和尚踉蹌杖錫門外入與握
手一夕謝卒不知所往嘗住城東隆興寺聽月峯長老
講崑崙圖詩云手把崑崙上月峯青天白室香雲重山
光目光照清宇主人慙慙吐元宗案前三界分上下眼
底十方並玲瓏鳥去樹空花無語太虛一段寥寥容舊志

曉如和尚博平朱家坊人出身隆福寺貌不羸性兼拘拙偶犯戒律師棒楚之曉如曰我固不能作佛何楚我奪其棒置之時值打麥兩手捧碌碌於老槐之極竟去十餘年歸住郡城東隆興寺或半月不食或一食兼數十人人奇之與角力人盡靡蓋自少林寺來也有蔣姓者習飛腳術自江南來無與敵蔑視曉如曉如與對手蔣某腳飛起旋仆地哀號稱弟子蓋蔣某腳飛騰曉如兩腳橫飛已踢其額矣一日自他歸見眾持械逐一人其人握鐵鐵入廟乃大盜獲而逸出者眾叩曉如爲力曉如不可遂不復強但羣窺之曉如亦窺出其不意推

之人盜舉鐵劈之間大聲呼曰我休矣眾且疑曉如被
創擁入見盜股已折矣曉如狀短小如庸人不自持械
其授弟子槍棒等無不精奧當與弟子飲酒一人出見
牆頭有數人以告曉如曰但飲不妨比明見數賊有騎
牆者有方登者有登而欲下者皆如木偶曉如叱之去
始寤羅拜曰小人輩不識眞羅漢合死乃奔弟子數百
戴永昌爲最後無疾坐化復有人自陀處見之